

stantiâ loci. sic furtû in loco sacro perpetratum atrocio est, quàm in profanô : Sic, qui aliquem interficit in domo suâ, gravius peccat, quàm qui alibi. (5) *Ex circumstantiâ temporis.* Sic turpius habetur crimen, quod die festo committitur, quàm quod profano. (6) *ex occasionis consideratione.* Sic minus delictû est, ad quod te peccandi occasio invitavit, quàm, cum occasionem ipse feceris. (7) *ex facti quantitate.* Sic delictum aliquoties reiteratum abominabilius est, quàm semel commissum. (8) *Ex actus qualitate,* tum *intrinsecâ,* tum *extrinsecâ,* quæ agentis animû declarat. (9) *ex instrumenti estimatione.* Sic gravius est homicidium gladiô aliquem interficientis, quàm baculô vel manu. (10) *ex eventûs attentione,* qui, si prævisus, aggravat actum, si fortuitus, extenuat. *Vid. Gabr. Vazq. in 1. 2. Thom. disp. 99. Greg. de Val. in 1. 2. Thom. disp. 6. qv 3. punct. 2.*

XXIV. Haçtenus de *internâ A. M. proprietate* bonitate nempe & malitiâ, disputavimus; quâcum paria facit *bonestas & inhonestas* s. turpitude. Nam eâdem operâ id deducimus è rectitudinis Regulâ, quæ præscribit, quid in actibus hominum moralibus sit honestum & faciendum, quid item turpe, execrandum & fugiendum : Ubi honestatis vocabulum non usurpamus pro *civili decore* s. iis, quæ licita sunt, nec tamen decora ; sed pro *bonestate legis naturalis* ; sicuti & è contrario turpe ac inhonestum non adhibemus pro eô, quodcum politicâ quâdam indecentiâ conjunctum est ; sed prout immediatè deviationem à rectitudine regulæ moralis exprimit. *Extrinsecus* a. A. M. concomitari solet *laus & vituperium.* Hoc enim habet ab ipsâ bonitate & malitiâ, & quatenus fuit in liberâ operantis potestate.

XXV. Et hæc sunt, quæ de Actione humanâ moraliter consideratâ differuisse volui ; jam animus ad *principia ejusdem* applicandus foret : Verùm, cum & charta spatium quod antenus invidere videatur, & explicandis iisdem diutius inharere mei non sit instituti, pedem hic figo. Quocirca plura legendi cupidum ad fecunda & jucunda Ethicorum scripta remittens *differ-*
tationi colophonem addo. Sit itaq; quod super-
est, actionum mearum
AVSPICIO & FINI LAVS DATA DIGNA, DEO.